

PRIJEDLOG

Na osnovu člana 143. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i člana 152. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) Predstavnički dom Parlamenta Federacije Bosne i Hercegovine, na sjednici održanoj 2017. godine i Dom naroda Parlamenta Federacije Bosne i Hercegovine na sjednici održanoj 2017. godine, d o n i o j e

O D L U K U O DAVANJU SAGLASNOSTI NA PLAN RADA I RAZVOJA ZAVODA ZA TRANSFUZIJSKU MEDICINU FEDERACIJE BOSNE I HERCEGOVINE ZA 2017. GODINU

I

Daje se saglasnost na Plan rada i razvoja Zavoda za transfuzijsku medicinu Federacije Bosne i Hercegovine za 2017.godinu.

II

Plan rada i razvoja iz tačke I ove odluke nalazi se u prilogu ove odluke i čini njen sastavni dio.

III

Ova odluka stupa na snagu narednog dana od dana objave u „Službenim novinama Federacije BiH“.

Broj:

Datum:

Predsjedavajuća
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije BiH

OBRAZLOŽENJE
Odluke o davanju saglasnosti
na Plan rada i razvoja Zavoda za transfuzijsku medicinu
Federacije Bosne i Hercegovine za 2017. godinu

ZAKONSKI OSNOV

Zakonski osnov za donošenje ove odluke sadržan je u članu 143. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i članu 152. stav 2. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08).

RAZLOZI ZA DONOŠENJE

Na osnovu odredbi Zakona o zdravstvenoj zaštiti („Službene novine Federacije BiH“, br. 46/10 i 75/13) i Statuta Zavoda za transfuzijsku medicinu Federacije Bosne i Hercegovine (Službene novine Federacije BiH, broj 70/13) Zavod za transfuzijsku medicinu Federacije Bosne i Hercegovine izradio je Plan rada i razvoja za 2017. godinu, koji se putem Federalnog ministarstva zdravstva dostavlja Vladi Federacije Bosne i Hercegovine na razmatranje, a Vlada Federacije Parlamentu Federacije BiH, na razmatranje i davanje saglasnosti (saglasno članu 53. stav 2. Zakona o zdravstvenoj zaštiti).

Bitno je istaći da je Upravni odbor Zavoda za transfuzijsku medicinu Federacije Bosne i Hercegovine razmatrao i usvojio Plan rada i razvoja Zavoda.

Također, treba ukazati da je članom 53. stav 2. Zakona o zdravstvenoj zaštiti propisano da je Federacija Bosne i Hercegovine osnivač zavoda iz člana 43. stav 1. istoga Zakona, a što se odnosi i na Zavod za transfuzijsku medicinu Federacije BiH. Radi se o ustanovi koja obavlja transfuzijsku djelatnost, što podrazumijeva obavljanje stručnih i naučno-istraživačkih zdravstvenih funkcija iz okvira prava i dužnosti Federacije Bosne i Hercegovine. Slijedom toga, Zavod za transfuzijsku medicinu Federacije BiH odgovara za svoj rad i poslovanje osnivaču, tj. Federaciji Bosne i Hercegovine, te u okviru svojih obaveza prema osnivaču dostavlja na saglasnost niz važnih dokumenata od značaja za rad i poslovanje Zavoda, uključujući Plan rada i razvoja Zavoda za svaku kalendarsku godinu.

OBRAZLOŽENJE

Tačkom I Odluke daje se saglasnost na Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu.

Tačkom II Odluke definisano je da je Plan rada i razvoja iz tačke 1. sastavni dio ove Odluke i da se nalazi u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije BiH.